

1 Pita

Pitayelen zapat meluwan ņeņangatnaņ

Zapat meluwan kapi Pitayan kuye. Ek nembra Zisasiyan elengolaman tazulutme kumtetime kwitnaņ kwitnaņ mulaloņ pemti Zisas m pmege (Luk 5:1-11). Ma egaņ Zisasimak maņgeen zet abatatatnaņbeņ. Zet notnaņ an  enaņ ku zenzeyelen egaņ ilak abak zewangut zet ilak penan zeye. Egat mulup zet Zisasiyan omba penan zemsaye.

Pitayan zet kapi am Zuda maņgeengatnaņ n mk ņpepeņinmak kelaņ kumti msat sambe mebet kokotnaņ ekņengat zet kapigok kuye. Ekņenmagen nukņa soksbeve keyet weyeyan mulup mtabep keyepmti sisipeņpeņ mimindawep ma nukņa sepem ikņa ikņa soksbebindame gwaņ gwaņ kumti tabep. Ma naman mopmanegak yaņbemti Kilais kokotnaņgalen weyaņbe weyaņbe mulup eweņanegak mti tabep.

Pitayan zet kapi Loma msalen tati kuye kan keyet msat Loma keyelen kwitnaņ  en Babilon kuwien enenogat nukņa dapmelange ekņen yaņbemti tiwewen ke sakam itnaņa Kawawaņgalen amnaņ nukņa Babilon msalen tati tiwienok kataņ. Kegogapmti Pitayan ekņaenaņ eksemti tatagat zapat meluwan kapi kumindaye.

Zet  otekņa temaņ kapigogaņ 1 Pita zapat meluwan keņa talip:

1:1-2 Zet yaņbemti zenzeyelen zet

1:3-12 Kawawaņa ndaangalalaņgalen keņ mwat zenzeyelen zet

1:13-2:10 Teņ mama keyelen zemgwatnaņ zet

2:11-4:19 N mk ņpepemak ekņenmagen nukņa ma sisipeņpeņ soksbeve
zigoset epumti tatatgalen set katnaņ bembenaņ

5:1-11 N mk ņpepemagen keņ mtoti mama katnanen zigok mamayelen
zetnaņ

5:12-14 Zet zemdelan zenzeyelen zet

1 ¹Neņ Pita Zisas Kilaisiyelen mulup an mamti egaļen Zet Zapat
Dolakņa Penan zemkawaņ bembeyelen n mti nakumtetiyeaņ
zet zapat meluwan kapi Kawawaņgalen animbi mukupnok msalin peme
tapme kileņ Pontas ma Galesia ma Kapadosia ma Esia ma Bitima Plowins

ekŋen keyet keŋaŋ mamaip ingat bema kozin. ²Kawawaŋ Bipmnaŋ ikŋaŋ nâme wenŋe kataŋ in indakumtetiye. In Emetak Teŋaŋ keŋin mme teŋ penaŋ bembeyet ma zetnaŋ gawepumti mamayet Zisas Kilaisiyelen sipmaŋaŋ zulutindeye. Inmagen Kawawaŋgalen keŋ taolet ma keŋ sewakŋaŋ sambelenŋi weweyet nâmti mandunduyap.

**Webe webenn Kawawaŋmagengatnaŋ mama kanzizit
tiwanup kemagen bemti mamambanup**

³⁻⁴Egaŋ Zisas Kilais gakikiengatnaŋ mme wage egaŋ ningat keŋaŋ beme nin ekgapmti mama mimi alakŋaŋ aŋgalaŋ gogotnaŋ temaŋ penaŋ tazin keyet penaŋaŋ Kawawaŋaŋ kot ndatime mebegalen damuŋ webematatnup. Kululuŋengalen milombi lombi ku sambumbuyelen ma yomgalen zukulak ku niniŋaŋ ma kok biliŋ biliŋ ke ingat zapat bempepeŋaŋ tazin ke maneti in toŋaŋ bembeyet kekok mge keyepmti nin Kawawaŋ Amobotnaŋ Zisas Kilais egat Bipmaŋ masesewatpemambanup. ⁵Mti Kawawaŋ winde toŋaŋaŋ winde indame in nâmkŋipepeen katikŋaŋ bemtati mane peme msalen mama kan delaŋ zeme milombi lombiŋin kalaŋ kumti bembeŋaŋ ke toŋaŋ bemambepgat zapat aŋgalaŋindeye. Kawawaŋaŋ toŋaŋ bemti mambepgat zeye ke bangat Kawawaŋaŋ ikŋaŋ msokbewe. ⁶In keyet oloŋen palen mamambep. Ma Kawawaŋaŋ nâmindeme nukŋaŋ palen moti keyet kembeŋ palen mambep keyaŋgut keyaŋ kan isikŋaŋ bugan tabeyet nâmisimti mambep. ⁷Nâip, gol ek ŋep yek bembeyelen yaŋaŋaŋ tep keŋan toti mamsokbein. In nâmkŋipepeŋin penaŋaŋmak penaŋ keyet yaŋaŋ nukŋaŋ sokbemindame keyaŋ mkawaŋ beme Zisas Kilais kokotnaŋ kanen inmagen keŋ sekŋeyak ma sesewat ma elimiak miak sokbemindawe. ⁸In Zisas Kilais ek sek sepemaŋ penaŋ ŋep ku ekbienangut gogot etaŋ mamsaip ma kan pigogat zikalinaŋ penaŋ ku ekti belak etaŋ manâmkŋipeip. Mti olim sesewat mobotnaŋ igagen penaŋ manâmsaip ⁹keyepmti nâmkŋipepeŋinangat penaŋaŋ Kawawaŋaŋ bangat aŋgalaŋindewe.

¹⁰An golaŋ zenze an ekŋenaŋ Kawawaŋgalen keŋ taolet inmagen alak tasokbein keyet zetnaŋ zemkawaŋ bemkwabien. Ekŋenaŋ Kawawaŋaŋ gilik zemindatiwe zet keyet yaŋaŋ nâsâgât mulupmaŋ omba penaŋ mbien. ¹¹Kilais ek sindem nâmeti bam gakikiengatnaŋ wati mama mundum zapatnaŋ Kawawaŋgat betnaŋ penaset windeen moti tiwe keyet zet Emetak Teŋaŋ golaŋ zenze angat keŋinan beme ekŋenaŋ kan zukŋaŋ penaŋ ma kwitnaŋ kwitnaŋ ziboŋaŋ tasokbeme Kilaismagen kogok sokbewe zemti ektitimti mamkwabien. ¹²An am yomengatnaŋ gilik zemindatitiyet mulupmaŋ mbe keyet an golaŋ zenze an ekŋenaŋ zetnaŋ zewienen ilinmagen sokbesâpmme ku zewien. Ekŋenaŋ zet zewien keyet penaŋaŋ an ekŋen Kawawaŋgalen Zet Zapat Dolakŋaŋ Penaŋ timti inmagen kozeme Emetak Teŋaŋ kululuŋengatnaŋ toti zelin winde same

in keŋ gilik zenze taegip keyaŋ an golaŋ zenze an ekŋengalen zelin penanaŋmak sokbein kogok bein. Âpme Kawawaŋgalen ensel ekŋenaŋ kogogak zet keyet yaŋaŋ nânâyelen mulupmaŋ mamip.

Mama mimi itnaŋaŋ bekaŋaŋ bamkumpemti alakŋaŋ mbep

¹³Kogogapmti Zisas Kilaisiyaŋ gilik zemkoti keŋ taoletnaŋgat aŋgalaŋindewe keyepmti in keŋin kume kwaopme keŋin sekŋin ekdamuŋ mti nâpeŋ nâpeŋ tati webemti mamambep. ¹⁴In animbi Kawawaŋgalen zet gawepumti mamaip. In eweŋan nâmkiŋpepepiŋ mambienen kwitnaŋ kwitnaŋ bekaŋaŋ msâgât keŋinaŋ puŋpuŋ mamtemien. Kan pigogat mama mimi bekaŋaŋ ke ewe ku mâbep. ¹⁵Kawawaŋ ek teŋ penaŋ mamain egaŋ indakumtetime kobien keyepmti in mama mimi teŋ mti egaŋ mamainok mait. ¹⁶Kawawaŋgalen Zet Itnaŋanen meluwaŋ kapigok mimiŋaŋ,

“Neŋ teŋ penaŋ mamayap keyepmti in kegogak teŋ ŋegak mambeb.”

(*Wok Pris 11:44-45; 19:2; 20:7*)

Kawawaŋaŋ tosa temaŋaŋ ndakwitimti gilik zemndatiye

¹⁷Kawawaŋ ek am kwizet buŋaminmak ma kwizet buŋaminpiŋ keyet ku manâin. Egaŋ amgat mama mimi zigok tazin keyet kataŋ ekti zetn manzemdelan zein. Keyepmti in egat, “Bien” zemti mukulem mimiyet dundumsawep beme msalen kapi mamti ek eksempemti masesewatpemambep. ¹⁸In kapigok ŋep nâmtalip, in eweŋan yeŋsokŋine ekŋengalen mama mimi yaŋepiŋ bekaŋaŋ ke timti mamkwatnepeme gilik zemindatitiyelen tosaŋin gol ma silwa yek bembenaŋmak keyaŋ ku indakwititiŋaŋ. ¹⁹In Kilaisiyet sipmaŋ tosa temaŋ keyaŋ indakwititiŋaŋ. Kilais ek sâpe sâpe bumbuyelen sipsip keboŋ lingit zembenaŋpiŋ ma kwetetepmaŋ penaŋ. ²⁰Ek eweŋan msat kululuŋ ewe sokbembepiŋ tapme mulup zet ke mimiyet zempepeŋaŋ. Yaŋ kan ke daŋgome Kawawaŋaŋ peme totmamti gakimti wage ke ingat nâmti kegok mge. ²¹Mti Kawawaŋaŋ in ekmak tusumindeye keyet nâmkiŋpemti maip. Kawawaŋaŋ ikŋaŋegak Zisas gakikiengatnaŋ mme wapme mundum zapatnaŋ ikŋaŋgat betnaŋ penaset windeen mopeye kegogak in Kawawaŋaŋ ikŋaŋ kot ewe indadagat webematalip.

²²In Zisas Kilaisiyelen buŋam zapat penaŋ kapi zemti gawepu mmame keyaŋ keŋin mme kwetetepmaŋ beye. Âpme in Kilaismagen nolinemak gogot penaŋ mti mamaip keyepmti in keŋ kwep penaŋ bemti mama ke gogot palen giŋgiŋ mti mbep. ²³Kawawaŋaŋ mama alakŋaŋ indayeen keyaŋ ingat dukŋin alakŋaŋ epeemti kwage keboŋ. In alik alik yek bembeyelen keyetnaŋ yek. Alik alik kwesiŋ matakwazin keyetnaŋgatnaŋ epeemti kwabien. Kawawaŋgalen zet mamaŋaŋmak ma wemeti wembe keyetnaŋ epeemti kwabien. ²⁴Kawawaŋgalen Zet Itnaŋanen zet kapigok kukuŋaŋaŋ tazin,

“Animbi alik mamaip ekjengat mamañin tep msikokok kebon ma elimiakñin ke tebilalik katnañ kebon. Tep msikokok ekjen kasuwan indikme maangasip ma tebilalik katnañ ekjen mandâlân zemti tolip. ²⁵Kawawañgalen zet katikñañ keyañ wemti wembe penañ.” *(Aizaya 40:6-8)*

Zet kapi zet zapat dolakñañ diindondonañ e penañañ ilak kapi zemkawañ bemberañ.

2 ¹Kegogapmti in kwitnañ kwitnañ bekañañgat keñin puñpuñ kapigok ku mbep: ammagen kwitnañ kwitnañ tisât dâsuki tetimaem titi ma zet nambalam zut zenze ke ma keñ kuku ma nolineyet zet okzep tazep mee ku mbep.

²⁻³ “Amobotnañ Zisasiyelen keñ taolet inmagen sokbeme egoyet,” *(Sam 34:8-9)* mama mimi kebon ke time temepme animbi nemba okak namgat maindemben sepem kegogak in Kawawañgalen zet mme namnok dolakñañ penañ niniyelen tikñañ penañ nâmti mamambep. Kegok mme Zet Zapat Dolakñañ Penañañ nâmkijpepenin mme semem katikbewep.

Zisas ek tepum miñañ ma egalen am manje kogogak tepum isisikñañ

⁴In Amobotnañ Zisas ek tepum miñañ mamañañmak am ekjenañ ek ektalati peme mewenje yangut Kawawañ ekme pemberañ penañ beme mwatonzempeye ekmagen wetekumti tabep. ⁵Mti in tepum kaliñañ nember tati mka bandim mme tatagalen Emetak Teñañ ingat keñinan tazin kogogapm Kawawañ in tim tusumindeme ikañgalen am manje kwetetepmañ ikañgat zapat ondekindeye. Keyepmti in kwep kwep ilinañgat sâpe sâpe bumbu mulup mimiyele ke an Zuda am ekjengalen sâpe sâpe bumbu anañ ammak Kawawañgat tunguwinanen tati mamtemien sepem kegok in mimiyele. Zisas Kilaisiyet pemberañgat amgat tunguwinan mulup mamip ke Kawawañ nâmtikñañ mimiyele mamip. ⁶Kawawañgalen Zet Itnañanen zet kapigok zenzenañ tazin,

“Egit, neñ tepum miñañ ñen mka mme kaliñañ bembeyelen dolakñañ penañ ombempeyap. Neñ tepum miñañ ke Zaion Kalañan” onzempema tazin. Keyepmti an ñenañ tepum miñañ mamañañmak ke nâmkijpewe beme bam sakambuk ku mbe yek penañ.” *(Aizaya 28:16)*

⁷Âpme am tepum miñañgat manâmkijpeip ekjenañ tepum miñañ ke ekme mobotnañ beme Kawawañ kogok mamipgat nâmindeme pemberañ mambeip. Ma Kawawañgalen zelañ am ku nâmkijpeip ekjengat kapigok zenzenañ,

“An mka walalat ekjenañ tepum miñañ ñen ekme bekañ beme wisat mti peme mewenje tepum keyañ tepum miñañ beye.”

(Sam 118:22)

^a 2:6 2:6 Zaion Kalañan keyet kwitnañ ñen Zelusalem mka temañ.

⁸Ma Kawawaŋgalen zelaŋ am ku nâmkîŋpeipgat kapigok zein,
 “Ekŋenmagen tepum keyaŋ uluk galuk beme ime ulukpeme
 waleletgat zapat bewe ma tepum miŋaŋ keyet palen setetek mti
 toindondoyelen keboŋ bewe.” (Aizaya 8:14)

Ekŋenaŋ Kawawaŋgalen zet kulume zet keyaŋ selin kaikme toindowe
 keyepmti zet kululuŋinaŋgat tosaŋaŋ kegok sokbemindawe.

In Kawawaŋgalen animbi bewien

⁹In Kawawaŋaŋaŋ iŋŋaŋgat amŋane indaombemindeye. Ma in
 kwep kwep kogogak Amobotnaŋ winde toŋaŋ ma amŋane ekŋengat
 tunŋuwinaŋ mamti dundundu ma sesewat mulup mimiyeleŋ. Ma in
 kegogak Kawawaŋaŋaŋ am maŋge kwetetepmaŋ temaŋ ondekindeye. Ma
 am iŋŋaŋgat zapat nâmsemtaŋ mamayet zemindendeŋaŋ. In keboŋ ke
 tambusosogengatnaŋ timkwat iŋŋaŋgalen busatnaŋaŋ ego egoŋaŋmak
 keyet keŋaŋ indeyeyepmti in keyet kwit zapaŋaŋ zempalakŋaŋ
 bewep. ¹⁰Eweŋaŋ in animbi Kawawaŋaŋaŋ ku nâmatâtpewien. Yaŋ alak pi
 Kawawaŋgalen am bemti mamaip. Eweŋaŋ Kawawaŋgalen aŋgalaŋ gogot
 ku tiwieŋ. Alak pi Kawawaŋaŋaŋ aŋgalaŋ gogot mimindain.

In Kawawaŋgalen sisiliŋ an kegok bemti mamambep

¹¹Notnne penaŋ, pigok zema nâit, in msat kapiyeleŋ am yek. In am
 mukup ma lueŋset tapmaip keyepmti msat kapiyeleŋ mŋasikgat tikŋaŋ
 nânâ keyaŋ indamandame toweti walebepgat eksemti mamambep. ¹²Mti
 am nâmkîŋpepeŋinpiŋ ekŋengat tunŋuwinaŋ mamti mama mimiŋin
 weyaŋme teŋ beme mti mamambep. Kegok mame am nâmkîŋpepeŋinpiŋ
 ekŋenaŋ yaŋaŋin ekmâtâti bekaŋaŋ mimi mandiindoip beme ingalen
 mama mimiŋin dolakŋaŋ ke ekti zet bekaŋaŋ ke peme tapme naman
 ekŋenaŋ kogogak Kawawaŋaŋaŋ nâmkîŋpeme kan keyet ilinsakwep ek
 sesewatsawep.

¹³Msalengalen amobotnaŋ sambe ekŋengat kandeŋinaŋ mtoti mamti
 ekŋenaŋ in set notnaŋ mâbâgat katnaŋ beme Amobotnaŋ Zisasiyet
 kwizet buŋamaŋ mmobogalen nâmti in kegok mimindawep. Msalengalen
 an mobotnaŋ temaŋ kwizet buŋamaŋmak ¹⁴egaŋ plowinsgalen
 amobotnaŋ ekŋen zemindeme kobiengat ekŋengalen zet eyo gawepume
 delaŋ penaŋ bemâbe. Ekŋen ke am bekaŋaŋ mimi ekŋen zemindondoyet
 ma am dolakŋaŋ maip ekŋen zemsesewatindendeyet zemindendeŋaŋ.
¹⁵Kawawaŋaŋaŋ in am nâmkîŋpepeŋinpiŋ ekŋen mama mimi dolakŋaŋ
 mimindamti zemyuŋguŋuŋin mme yek bembeyet ingat mulup zet ke
 manzemindain. ¹⁶In lala indendeŋaŋ ewan in bekaŋaŋ mimiyeŋ nâmti
 ku indendeŋaŋ. In lala indendeŋaŋ ke Kawawaŋaŋ sisiliŋ msasayet nâmti
 indendeŋaŋ. ¹⁷In am sambe ekŋengat nâmindeme mobotnaŋ bemâbep
 ma noline nâmkîŋpepeŋinmak maip ekŋen gogot mimindawep. Kawawaŋaŋ

eksempemti an mobotnaŋ temaŋ kwizet buŋamaŋmak ek kogogak nâmpeme mobotnaŋ bewe.

Nin Kilaisiyelen mama ke mâti sindem tiwanup

¹⁸ Sisiliŋ an, in amobotnaŋine ekŋengat nâme mobotnaŋ beme zelin gawepuwep. An mobotnaŋ zet sewak sewak mamip ekŋenmagen etaŋ yek notnaŋ mgasik ŋenzinziŋinben, ekŋengat sepem kwep kegok mbep. ¹⁹ Ekŋenaŋ belak yompiŋ tuŋgupan sindem indame in Kawawaŋgat nâmti keŋ kasapiŋ sewakŋaŋ mame Egaŋ nâmindeme dolakŋaŋ bewe. ²⁰ Yangut ŋenaŋ yom aikme keyet dopmaŋ kume keŋ kasapiŋ tabe keyet kwiyaŋ zemsesewatpewe? Yangut ŋenaŋ yompiŋ teŋ mame ekŋenaŋ kume nâmisim matazin keyet Kawawaŋaŋ nâme dolakŋaŋ mambein. ²¹ In sepem kegok ke mimindandayet Kawawaŋaŋ ombemindeyeyepm keyet penanaŋ mamaŋinaŋ msokbewep. Kilais ek kogogak ingapmti ŋenaŋ bemindamti sindem tiye keyepmti in egalen set kaisasatnaŋ ke ekti keyegak mâti mebep.

²² “Ek yom ŋen ku mge ma dembusekŋaŋgatnan dâsuki ŋen ku toge.”

(Aizaya 53:9)

²³ Ek zemtalatpeme egaŋ dopmaŋ gilik zemti ku zemtalatindeye. Sindem same egaŋ dopmaŋ zet ŋen ku diindoye. Egaŋ Kawawaŋ An zet zemdelaŋ zenze teŋ egat betnan keŋaŋ ma sekŋaŋ nâmtalasim saye. ²⁴ Ningalen bekaŋaŋ sambe egat palen mopme pumepme tewen kumasasokpewien. Egaŋ ke nin yomgalen mama mimi katikpepeyet nâmti kegok mge. Kogogapm nin yom ke bamkumpemti mama mimi teŋ ke mâti mamambanup. Egat sekŋaŋ witikme duluŋ diliŋ zeye keyaŋ in mimindeme dolakŋaŋ bewien. ²⁵ Eweŋaŋ in sipsip keboŋ kileŋ lala mekoti mambien. Alak pi sipsip damuŋ nembonŋ Zisas egaŋ gilik zemindatimtikot ondekindemti indikdamuŋ mme tapmaip.

Awembiŋ ekŋengalen zet

3 ¹⁻² Keyet kataŋ imbi awinmak in awine eksemindemti mambep. Âpme awin Kawawaŋgalen Zet Zapat Dolakŋaŋ Penanŋgat wisat mti mamain beme in eksemindemti esemteŋ zetpiŋ mame awinaŋ ingalen mama mimi dolakŋaŋ ma kwetetepmaŋ ke ekti keŋin gilik zeme Kawawaŋ nâmkŋipewep. ³ Imbi, ingalen mama mimi awinaŋ egonŋoyelen ke sekŋinaŋgalen elimiak miak kabonŋ yek: ŋokŋin weyaŋ elimiakpemti maip ma kekek tosaŋaŋ temaŋ dolakŋaŋ penanŋ andomti maip ma sanŋum melakandu meluwaŋaŋ dolakŋaŋ munduŋti maip ekŋen ke segalen elimiak etaŋ. ⁴ Ingalen mama mimi ego egoŋaŋmak ke keŋinan awineyet gogot omba penanŋ mimiyet Kawawaŋaŋ bempeye. Elimiak miak ke ŋep ku endeleletgalen. Miak miak ke keŋ sewak palen mame Kawawaŋaŋ mama keboŋ keyet nâme pembenaŋ penanŋ mambein.

⁵Nâmkijpepemak imbi tipman baen mamkwabien ekjenan miak miak sakam keboŋ ke mti mamkwatemienen webebenjin Kawawaŋmagen tapme mamti awine eksemindewien. ⁶Ekjenmagengatnan imbi kwep ŋen kwitnan Sela egaŋ apmaŋ Abalaam ek eksempemti apmaŋgat nâme mopme, “Amobotnaŋŋ,” zeme maŋge. In Selayet nambaŋenenok besât mip beme in mama mimi dolakŋaŋ mti awineyet ku kiŋgabep.

⁷An, in imbi ekjenan maeksem indeipnok imbiŋine eksemindewep. Enenogat it ilisakwep mama kanzizit mamayet Kawawaŋaŋ taolet mimideye. Keyepmti imbiŋine winderjinpiŋ ke nâmtatiyepm indamukulem mbep. In kekok ku mbep beme dundundunjanŋat setnaŋ bekek tabe.

Nin keŋ kwep bemti mambanup

⁸Zet pigok ondekti zema delaŋ zek, in sambeyaŋ keŋin kwep bemti mambep. Ŋenaŋ ŋeniyet kemberŋ ŋenaŋ ŋeniyet kemberŋ mti noline nâmkijpepen gogot mimindawep mti keŋ taolet mimindamti keŋin mtoti mambep. ⁹Kwitnaŋ kwitnaŋ bekaŋaŋ mimindame in kwitnaŋ kwitnaŋ bekaŋaŋak ku gilik zem mimindawep. Ekjenan zet bekaŋaŋ diindome in zet bekaŋaŋak ku diindowep. Kawawaŋ dundum same mukulem mimindewe. In mama mimi keboŋ mti mamayet Kawawaŋaŋ maindakumtetiin. In kekok mti mame egaŋ keŋ taolet mimindawe.

¹⁰Kawawaŋgalen Zet Itnaŋanen zet kapigok tazin,

“An ŋen nâmkijpepemak mama ke penajaŋmak bembeyelen nân ma kan kataŋ oloŋen palen mamayelen nân beme egaŋ dembusekŋaŋ damuŋ mti zet bekaŋaŋ ma zet dâsuki ŋen ku zewe.

¹¹Kegok mamayet nâmba beme egaŋ bekaŋaŋ bamkumpemti kwitnaŋ kwitnaŋ dolakŋaŋ ke mbe mti keŋ sewakŋaŋ palen mama ke windeŋaŋberŋ mbe. ¹²Amobotnaŋ zikatnaŋ am mama teŋ penaŋ mamaip ekjenŋgalen mamaŋin maekmâtâzin. Amobotnaŋ egaŋ am mama teŋ penaŋ mamaip ekjenŋgalen dundundu nânâyet wak mambein ma am bekaŋaŋ mimi ekjen indik kiŋgati mambamkumindein.”

(Sam 34:12-16)

Sisipenpeŋ mimndame nâmisimtabanup

¹³In kwitnaŋ kwitnaŋ dolakŋaŋgat nâmtikŋaŋ mti mame an ŋenaŋ ku indawaleletgalen. ¹⁴Yanguŋ mama mimi dolakŋaŋgapmti sisipenpeŋ palen mobep keyet oloŋen mbep.

“Kasayet sebet dindiŋ mti windeŋin ku kalube.” (Aizaya 8:12)

¹⁵Ma ŋen kapigok keŋin kume kwaopme Kilais Amobotnaŋgat zapaŋ penaŋ bemti tabep. Âpme in nukŋaŋ timti nâmisim matalip keyet yaŋaŋgat nânâyet indayaŋkwesime in zemâtâtindasâgât weyaŋ ekmâtâti sewak sewak kapigok diindowep, “Kawawaŋaŋ mandamukulem mme

mamanup.” ¹⁶In kenin kwetetepman penan weme am notnanan ingat zet bamset zewep beme in Kilais mâpmaipgapmti am eknen zet mobotnan mbep eknen ke ingalen mama mimi dolaknan gat bekanan manzewan eksokbemti sakambuk mbep. ¹⁷In kwitnan kwitnan dolaknan mme sisipenpen mimindawep ke Kawawanan inmagen kegok sokbembeyet nâme kozin beme nen. Âk in yom mme keyet sindem indaip beme ke yominan gat dopman kogok nâmbep. ¹⁸Kilais ek yom nen ku mge yanggut egan bekanan gat dopman sek kwep gakime delan zeye. Ek An ten penanangut nin bekanan mimi ningalen yomgapmti gakimti Kawawanmak tusumndeye. Ek am sekmak mange manepeme kume gakiye âpme Emetak Tenan seknan gakikiengatan mme wage. ¹⁹Âpme Kilaisiyelen Emetaknanan am gakiwien wenin mka kalinan tabien eknenmagen meti Kawawan galen Zet Zapat Dolaknan Penan diindoye. ²⁰Eknen ke Noayan wanga mawayankwapme Kawawanan ken taoletnan gapmti eknenan ken gilik zenzeyet damun mamkwage yanggut eknenan zetnan kuluwien. Âpme animbi 8 etan wangaen mowepme tuyan mimindeme tu palen mme mekoti alik mambien. ²¹Tungwam kwati am sambe indapminzilime tu nimbien mme tu keyan negak Noamak nemunaninane ekngalen wanga tuyan belan zem mmange sepem kegok am Kilais nâmkinpeme tu manzulutindeip eknen ke Kawawanan maangalanindein. Tu manzululip keyan sekgalen mubulup ke manzulupme kwawezin yek. Keyan keninan Kawawan manâmkinpem keyet pilinan kogok manzulutindeip. Kawawanan Zisas Kilais gakikiengatan mme wage keeset maangalan indein. ²²Mti iknan kululun mogeyan Kawawan gat betnan penaneset windeyelen mundumen totazin. Ke tapme ensel windeniben sepem ikjak ikjak msat tâgâ tungupman maip eknen Zisasiyet kandenan tatagat Kawawanan nâmindeme talip.

**Nin mama mimi bekanan pemann tapme
Kilaisiyelen mama pembenan ke mâbanup**

4 ¹Kilaisiyan am sekmak mangeen kan keyet ningat nâmti sek sindem tiye. Kegogapmti in sek sindem tiwepgat weyan mambep. An nen nâmkinpepenangat sek sindem matin keyan kalinan bemti matazin ma bangat tetimae nen ekmagen sokben beme yom mimiyet tiknan ku manân. ²Mme msalen mama mamain katan amnan yom mimiyet tiknan taindame mamip kebon nen egan ku mbe yanggut egan Kawawanan mama mimi nâmtiknan mam ke etan mbe. ³Tipman baen nâmkinpepenpin mamti mama mimi kapigok mmamkwepbien: imbimak set kile nan mama ma bekanan gat keninan punpun mimi ma tu katiknan nimti kilin kalun palen mama ma bo meu time kwaopme nimwian ti keyet kenaset âmanda manda palen mama ma tu katiknan omba nimti kenin kilom beme mama

mimi bekanaj mimi ma nopiom notnaj sesewatindanup zemti keyet kejaset mama mimi okbi okbiñajmak mimi ma kwitnaj kwitnaj ke mkwabien ke peme temelak. ⁴Âpme in kan pi am nâmkijpepeñinpij ekñenmak tusumti ku mamaip keyepmti ekñenaj nâme in mama mimi bekanaj ke ekñenmak tusum mbiek zemti ekme in ekñenmak tusum ku mamaip kegogapm ingat ñenzinziñ omba mti zet bekanaj mandiindoip. ⁵Yañgut ekñenaj maneti Kawawaj am gakikiñaj ma am alik mamaip yañaj msokbembeyet damuj matazin egat zikatnan an kwep kwewaj yañajin zewep. ⁶Kogogapmti am Kawawangalen bujam zapat zenze an ekñenaj am gakiwien ekñen Kawawangalen Zet Zapat Dolakñaj Penaj diindondoñaj. Ekñenaj msalen kapi mamti sek sindem tiwien mti nembetnaj zemdelaj zenze kanen keyet tosañin tiwep ma emetakñinaj Kawawajmak meti mama kanzizit mambe keyet temakwep zewien.

Kan bududuk beingat nolinemak gogot palen mambep

⁷Kan bududuk beme kwitnaj kwitnaj sokbembeyet zenzeñaj ke tasokbeingapmti dundundu mulup mene mene mimiyet keñinaj weyaj nâmâtâti esemterj talip. ⁸Gogot palen mama ke mama mimi dolakñaj notnaj sebempein keyepm nodangalen yomaj sambe kwatampeme tapmâbe mti ekñengalen yungungunij keyet kogogak kandaindowe. ⁹In noline mkaen indamandame kopme timbuluj indasâti zet kutuk palen ku mbep. ¹⁰In Emetak Teñaj taolet sepem iñjak iñjak indaye keyepmti taolet ke tim tati am sambe indamukulem mimi ke peme tatapij mti mimiek mme Kawawaj taoletongapm keñ taolet iñjak iñjak ketalasim maindain. ¹¹An ñenaj Kawawangalen zet zapat zesâti egaj Kawawaj zetnanen egalen zet zenzeyet zemâtâtpepeñaj mâti nâmdelaj zemti zewe. An ñen mukulem mimiyet taolet sasañaj beme Kawawaj winde same keyet katañ mbe. In kwitnaj kwitnaj Zisas Kilaisiyet pembenajgat kegok mme Kawawangat kwit zapatnaj mmobe. Kawawaj Zisas Kilaisiyet kwizet bujamaj mme mmoti Amobotnaj tatagat winde same egalen winde keyaj kwesij kwesij tapmebep. Ke penaj.

Zisas nâmkijpem maipgapm sindem tiwep

¹²Notnne penaj, ingat windeñin mtot indendeyet kwitnaj kwitnaj kukñajbeñ sokbemâgeyaj tapmezin. Âpme in kwileki ñen mamananaj sokbemndain zemti sebet diñdiñ ku mbep. ¹³In Kilais manâmkijpeipgapmti sek sindem egaj tiyenok in tiwep katañ oloñen mamambep. Âpme maneti bam gilik zemkosâpmnen busatnaj temañmak sokbemkawaj beme amnaj eksâip kan keyet keñ dolakñaj nâmti segeyek mbep. ¹⁴Kwitnaj kwitnaj kogok mimindame nâmbewenn Kawawangalen Emetak Teñ windeñajmak egaj inmak tati keñin mam imbelañaj bemindein keyepm in Kilais egat kwitnaj kwitnaj

mti mame am notnaŋ ekŋenaŋ zemtalalat zet diindome in keyet nâme dolakŋaŋ bewe. ¹⁵Inmagengatnaŋ ŋenaŋ am ŋen kume gakiwe mene ma kambu tiwe mene ma mobotnaŋ sakam ikŋak ikŋak mbe mene ma am notnaŋgalen kwitnaŋ kwitnaŋgat eyak mme kebongat sindem sawep beme sakambukŋaŋmak. ¹⁶Keyaŋgut in Kilaisiyelen am mamaip keyepmti sek sindem indame in keyet nâme sakambukŋaŋmak ku bewe. Kogok mimindawep beme Kawawaŋ sesewatpewep eneyet in indikmâtâti Kilaisiyelen am mamaip manzeip. ¹⁷Nâip, Kawawaŋaŋ am ŋeneyelen yaŋin msokbembeyelen kanaŋ ilak yaŋ bein. Ninmagen ŋeŋaŋ yaŋbemtî mmeti met bam am Zet Zapat Dolakŋaŋ Penangat wisat mamip ekŋenmagen zemdelan zenze mulup mti tosaŋin bekanan penan indawe. ¹⁸Kawawaŋgalen Zet Itnaŋanen zet ŋen kapigok tazin,

“An teŋ mamainaŋ Kawawaŋgalen zemdelan zenze kanen kiŋgagat palen tabep. Am yomtoŋ Kawawaŋgalen Zet Zapat Dolakŋaŋ Penangat wisat mti keŋ katik mamaip ekŋen Kawawaŋaŋ ku aŋgalaŋindewe, yek penaŋ.” *(Totatatgalen Set 11:31)*

¹⁹Keyepmti Kawawaŋaŋ sisipeŋpeŋ inmagen sokbemindandayet nâme makozin beme ke ŋep penaŋ. Egaŋ ikŋaŋ indam mge kogogapm egaŋ in ŋep indikdamuŋ mbeyet keŋin ma sekŋin egat betnanen ketalasim samti kwitnaŋ kwitnaŋ dolakŋaŋ egaŋ nâmtikŋaŋ min ke ewe tusumti mbep.

An ŋeŋaŋ bembe ma sip kaikŋaŋ ekŋengalen zet

5 ¹Ingalen an ŋeŋaŋ bembe notnaŋ mamaip ekŋengat nolin neŋ kegoak an ŋeŋaŋ bembe ingat pigok diindoma nâit: Neŋ Kilaisiyaŋ sek sindem penaŋ tatime zikatn penaŋaŋ ekban. Ma neŋmak an ŋeŋaŋ bembe notnne in egaŋ gilik zem busatnaŋmak kobe kan keyet nin ekmak busatnanen mamayet zapat bewanup. ²Kawawaŋgalen am sipsip nemboŋ damuŋ mimi an in zemindendeŋaŋ kegoak ke ilinaŋgat keŋinaŋgat nânâŋak mbep amgalen zet palen yek. Ma mânep milawatmak bembeyet nâmti yek; mulup ke nâme ingalen penaŋ beme oloŋen palen mbep. ³In am indikdamuŋ mimiyet zemindendeŋaŋ ekŋengat nâme topme mobotnaŋ ku tabep. Am sipsip nemboŋ ekŋen ŋeŋaŋ bemindamti mama mimi dolakŋaŋ mme am ekŋenaŋ indikti indamâbep. ⁴Âpme bam maneti An damuŋ sambeyet ŋeŋaŋin keyaŋ koti in zilem kwilik waleletnaŋpiŋ tatat katikŋaŋ matazin keyaŋ miak indemti kwizet buŋamak mamayet mwatonzemindewe.

⁵An sip kaik, in kegoak an ŋeŋaŋine ekŋengat kandeninan mamti zelin gawepuwep.

Nâip, Kawawaŋgalen zelaŋ kapigok zein,

“Kawawaŋaŋ am ilinaŋgat nâme mobotnaŋ mambein ekŋen mamtoindein ma am keŋin mtoti mamaip ekŋen Kawawaŋaŋ keŋ taolet omba mamimindain,” *(Totatatgalen Set 3:34)*

keyepmti in sambeyan keŋ mtoti mama set ke etaŋ ime delaŋ zeme noline ekŋengat kandeŋinan mepmâbep. ⁶Keyepmti in mama mimiŋin mtoti Kawawaŋgalen betnaŋ windenaŋber keyet kandeŋan mambep. Âpme kan temaŋ daŋgowe kan keyet in mwatindewe. ⁷Kawawaŋaŋ indikdamuŋ dolaknaŋ mamin keyepmti in nuknaŋin sambe tatindain beme egat betnan beit. ⁸In keŋin kume kwaopme kaik mamti nâpeŋ nâpeŋ mambep. Kasaŋin temaŋ Sadaŋ egaŋ gazu gazu temaŋ keboŋaŋ mebekoti an pi ma pi wilikbi zemti ŋandepem mamain. ⁹Sadaŋaŋ tetimindiksât kopme ekti ku kuŋzuŋbep nâmkîŋpepeen katiknaŋ bemtabep. Enenogat msat sambe Kilaismagen noline tapmelip ekŋenaŋ nuknaŋ sepem kwep in tatip kegok ke in nâit. ¹⁰Kawawaŋ ek keŋ taolet toŋaŋ egaŋ Kilais egat pembenangapmti in ikaŋgalen busatnaŋ temaŋmak keyet keŋan ikaŋmak kwesiŋ kwesiŋ mamayet indakumtetime kobien. Keyepmti in sek sindem kan belaknik bugan timobep yaŋ bam naman egaŋ zekâkât mimndemti keŋ sewak zet zemti gwatnaŋ mimindemti ikaŋ mwatonzemindewe. ¹¹Kawawaŋ ek winde temaŋmak maŋgeyaŋ mamti mamobe keyet sesewatpene. Ke penaŋ.

Zet zemdelaŋ zenzenaŋ

¹²Neŋ Pita ingat zezapat meluwaŋ pemkwepmaŋ kumti Silasiyet betnan bema mkozin. Neŋ egat nâma nâgât notn penaŋ bein. Zet zapat meluwaŋ kapiyet ingat keŋin mbuteteyet nâyaŋ ma Kawawaŋgalen keŋ taoletnaŋ mamimindain keyet eyo nâmti kuyap. Kogogapm in egalen keŋ taolet keyet palen wetekumti mambep. ¹³Neŋ Babilon^b mkaen am nâmkîŋpepeŋinmak talip nin ma in temakwep Kawawaŋaŋ ombemndeye. Âpme nin sambe egalen maŋge mamanup nin in indamukumindenup. Ma nemun, Mak, egaŋ kegogak indamukumindein. ¹⁴In Kawawaŋgalen am keyepm notn notn mti bet butem aiwep. Kilaismagen wetekumti maip inmagen keŋ sewaknaŋ wemti weweyet mandunduyap.

^b 5:13 Babilon mka Lomamka temaŋgat kwitnaŋ ŋen bemzemkukunaŋ enenogat am nâmkîŋpepeŋin megaŋ nuknaŋ sepem ikaŋ ikaŋ tiwien ke Babilon msalen keboŋ ke.